



صفة الله الباعث

علاج إحباطك وكسلك وضعف همتك

د/ حازم شومان

فريق سفينة الدعوة

للدخول على قناة سفينة الدعوة



اضغط هنا



- السلام عليكم ورحمة الله وبركاته
- من صفات الله اللي بتزلزل قلب الواحد
- من صفات الله والبعض قال إنه اسم من أسماء الله
- زي القرطبي وزى علماء كثير منهم : ابن منده والبيهقي
- وكثير من العلماء قالوا إن هو اسم من أسماء الله
- ولكن فيه كثير من العلماء قالوا لأ
- ده خبر عن الله ، ده صفة من صفات الله ، الله الباعث

الله الباعث يا جماعة

- ← الله الباعث يعني الناس بعد ما هنموت
- ← المليارات دي كلها تطلع من تحت التراب
- ← ربنا قادر إن التراب اللي أنا واقف برجلي عليه ده
- ← اللي ذرة التراب دي كانت من جسد بنت جميلة
- ← وذرة التراب دي كانت من جسد رجل من الرجال
- ← وذرة التراب دي وزير من الوزراء



- ← وذرة التراب دي طفل من الأطفال
- ← أن كل ذرات التراب ده هيُعاد ترتيبها يوم القيامة
- ← وتتكون الأجساد وتُنفخ الأرواح ويقوم البشر مرة ثانية
- ← ده معنى عظيم وجبار في الله الباعث

ولكن صفة الله الباعث ليها معنى ثاني جبار

- ← كلمة بواعث يعني دوافع
- ← ما جربتوش إن شاب يبقى فاشل في الكلية وساقط
- ← وفجأة مثلاً يحب حد مثلاً أو يحب واحدة
- ← فتقول له مش هتتقدم لي غير لما تنجح
- ← يبقى عنده دافع يتغير ويبقى ناجح ويذاكر ، دافع ، دافع واحد
- ← باعث واحد ، الله الباعث وضعه في قلبه
- ← حوله لبطل في نقطة من النقاط
- ← ماجربتوش إن واحد يبقى ضعيف ومهزوز
- ← وفجأة ينبعث جواه إحساس إن أنا لازم أغير حياتي



- ← ولازم أغير شخصيتي ولازم أعدل سلوكي
- ← ولازم أعالج اضطرابات الشخصية اللي عندي
- ← ولازم أغير عزيمتي ، ولازم أغير علاقاتي وتعاملاتي
- ← يبقى إنسان ثاني في الرياضة ، في صحته ، في مذاكرته
- ← في مصلحته ، وفي الدراسات العليا

إيه اللي حصل؟!!

- ← الله الباعث ، الله بعث جواه دافع قلب حياته
- ← كان مش بني آدم بقى بني آدم
- ← يعني كان واحد زي الأنعام والدواب بقى بني آدم بحق وحقيقي
- ← الله الباعث يقدر يبعث جواك همتك
- ← يقدر يبعث جواكي عزيمة جبارة
- ← يقدر يخليك من أهل قول الله



زي قول الله :

{وَالنَّاشِطَاتِ نَشْطًا}

- ← على تفسير بعض العلماء زي الرازي وغيره
- ← إن ربنا يخليك إنسان ناشط
- ← ناشط في الدين قمة النشاط ، قمة العزيمة

(اللَّهُمَّ إِنِّي أَعُوذُ بِكَ مِنَ الْعَجْزِ وَالْكَسَلِ)

- ← إن عجزك ، وكسلك ، وإحباطك ، وضعف همتك ، وضعف عزيמתك
- ← كل ده يروح
- ← العلاج إيه؟!
- ← الله الباعث ، الله الباعث ده صفة بتوعدك
- ← بتوعدك إن ربنا قادر إن هو يبعث قلبك
- ← قلوبنا بتموت يا جماعة ، قلوبنا ومشاعرنا بتموت
- ← ربنا يبعث الإيمان في قلبك ، ربنا يحيي قلبك مرة ثانية



{ اَعْلَمُوا أَنَّ اللَّهَ يُحْيِي الْأَرْضَ بَعْدَ مَوْتِهَا }



بعد :

{ فَطَالَ عَلَيْهِمُ الْأَمَدُ فَقَسَتْ قُلُوبُهُمْ }



- ← كأن ربنا يقول حتى لو قلبك مات يقدر يبعثه
- ← الباعث يقدر يبعث قلبك
- ← الباعث يقدر يخلي قلبك جنة

{ وَإِنَّ مِنَ الْحِجَارَةِ لَمَا يَتَفَجَّرُ مِنْهُ الْأَنْهَارُ }



- ← لو قلبك حجر ربنا قادر إنه يخليه مروج وأنهار
- ← ربنا قادر إنه يخليه جنة مليئة بثمار معرفة الله
- ← والمقامات القلبية
- ← الباعث ده صفة من صفات الله
- ← وخبر عن الله بيملى قلبك بالأمل
- ← واسم من أسماء الله على قول من أثبتته من العلماء
- ← بيملى قلبك بالأمل



- ← فيه حياة القلب بعد موت القلب
- ← فيه حياة العزيمة
- ← الباعث يقدر يقوي عزيمةك ، يخلي عندك عزيمة

إيه الباعث؟!!

- ← إن أنا مكان زي ده وسط جنة العنب دي
- ← وجنة القمح الأصفر اللي زي الذهب ، والشمس
- ← إيه الباعث إن أنا أنزل أتدبر في الخلق دلوقتي؟!!
- ← إيه الباعث إن أنا في الساعة الأخيرة اللي قبل الجمعة إن أنا ابدأ أسبح ربنا وادعي ربنا؟!!
- ← إيه الباعث إنك أنت تقومي قبل الفجر بساعة وتقعدي تصلي؟!!
- ← إيه الباعث؟!!
- ← ربنا الباعث بعث جواكي دوافع
- ← ربنا بدافع واحد بس يخليك بطل
- ← دافع واحد تجاه الدعوة يقلبك ، يصلحه الله في ليلة



- ← الله الباعث في ليلة هيبعث دوافع جوة المهدي
- ← جوة محمد بن عبد الله حفيد محمد بن عبد الله
- ← من بيت النبوة المهدي
- ← إنه بعد ما كان طالب علم وعنده رؤية في الإصلاح
- ← ونفسه يصلح الأمة
- ← إنه يقرر إن هو فعلاً يقف ويقوم
- ← ويعمل حركة إصلاحية لإنقاذ الأمة باعث
- ← الله في ليلة ، الباعث في ليلة يخليك إنسان ثاني

صفة الله الباعث

- ← لو ربنا تجلى بها عليك هيغير حياتك
- ← هيخلي عندك قوة في معركة الحق والباطل
- ← أشد من قوة الفاسدين وبتوع المهرجانات وبتوع الكليبات
- ← وبتوع المسلسلات المفسدة
- ← أكبر من تعب الناس دي أنت هيبقى عندك قوة في الحق
- ← أكثر من قوة أهل الباطل في الباطل



← شفت قوة أهل الباطل في الباطل
← ربنا بيوصف أهل الباطل في حرهم ضد الحق

يقول :

{ وَيَأْتُوكُم مِّن فَوْرِهِمْ هَٰذَا } 

← فور من الفوران والغليان بيغلوا
← الناس دي ما بتنامش يا إخواننا

إن:

{ أَإِنَّ شُرَكَّائِيَ الَّذِينَ كُنْتُمْ تُشَاقُّونَ فِيهِمْ } 

← الناس دي بتشقى
← الناس دي بتشقى عشان العالم يفسد وعشان الدنيا تفسد
← زي ما ربنا قال على الشياطين اللي بتطلع
← تسترق السمع في السماء



← عشان تضل أهل الأرض بإضافة الكذب عليها

ربنا قال :

﴿ وَيُقَذِّفُونَ مِنْ كُلِّ جَانِبٍ ﴾



﴿ دُحُورًا وَلَهُمْ عَذَابٌ وَاصِبٌ ﴾



← خلاص قذائف ملائكية سماوية بتقتل الشياطين

← فالشياطين تهرب

← وبعد كدة الآيات تتكلم عن شيطان انتحاري

← شيطان بيقتل نفسه عشان الباطل

﴿ إِلَّا مَنْ خَطِفَ الْخَطْفَةَ ﴾



← أنت لسا بعد ما قذفت من كل جانب

← شيطان بقى قام طالع ومصمم إن هو يجيب خطفة

← يجيب معلومة يديها لحد من السحرة والدجالين

← يفسد ويضل الناس بيها



﴿إِلَّا مَنْ خَطِفَ الْخَطْفَةَ فَأَتْبَعَهُ شَهَابٌ ثَاقِبٌ﴾

- ← إيه الشيطان الانتحاري ده؟!
- ← إيه الشيطان الرهيب ده؟!
- ← أهل الباطل بيضحوا
- ← آمال الباطل انتشر في مشارق الأرض ومغاربها ازاي؟!
- ← آمال الـ ٣ مليون موقع إباحي اللي موجودين دول
- ← مين اللي عملهم؟!
- ← أهل الباطل عندهم عزيمة ، وعندهم همة
- ← مبيناموش ، ومبيطلوش
- ← الباعث يخلي جواك بواعث إنك تبقى عندك قوة في الدعوة
- ← أشد من قوة أهل الباطل في الباطل
- ← يبقى موسوعة جينيس للأرقام القياسية في البذل للحق
- ← هم أهل الحق اللي واخدين الأرقام القياسية كلها
- ← في البذل ، والتضحية للحق
- ← الباعث يخليك إنسان نشيط في الطاعة
- ← يبعث جواك الدافع لقيام الليل



- ← دافع واحد ربنا يضعه في قلبك وفي نفسك
- ← يخليك بطة في قيام الليل
- ← باعث واحد من الله الباعث تجاه الدعوة يخليك داعي إلى الله
- ← باعث واحد ربنا يضعه في قلبك تجاه القرآن
- ← يخليك لا تنامي لحد ما تختفي المصحف
- ← باعث واحد ربنا يخليك إنسان تصل الرحم
- ← حسن الخلق ، مضحي ، تعمل جمعية خيرية الله الباعث
- ← أنت محتاج الباعث في كل حاجة من حياتك

محتاج الباعث

- ← علشان يفضل عندك همة
- ← علشان يفضل عندك إرادة
- ← علشان يفضل عندك عزيمة
- ← علشان قلبك يحيى
- ← علشان المعاني الجميلة اللي ماتت جواك يحييها



← وبيعها الباعث مرة ثانية
← علشان ربنا يخليك مبعوث من الله لهداية البشر

{ثُمَّ بَعَثْنَا مِنْ بَعْدِهِمْ مُوسَى} 

← مبعوث ، الواقع ميت وعمل بعث في الواقع
← إن ربنا يخليك مبعوث من مبعوثين أمة محمد

**(نحن قوم ابتعثنا الله لنُخرج العباد من عبادة العباد إلى
عبادة رب العباد)**

← احنا مبعوثين ، احنا مبتعثين ، الله الباعث ابتعثنا
← إنك أنت يبقى عندك دور كبير في الحياة
← وتؤمن بقيمتك ، وتؤمن بدورك
← كل دي بواعث ودوافع
← ماهو الاكتئاب إنه معادش فيه دافع لحاجة



← ما تيجي هنتفصح وأنا هعمل إيه بالفسحة؟!

← ما تذاكر وأنا لو نجحت هعمل إيه؟!

← ما تشتغل والفلوس هتعملي إيه؟!

اللاكتئاب والانتحار هو انتهاء البواعث في القلب

← لما الله الباعث لا يتجلى على نفسية عبد

← وقلب عبد العبد ده بينهار خلاص

← وليه؟!

← وإيه قيمتها؟!

← وعلشان إيه؟!

← إنما لما ربنا يخليك جواك روح معنوية ، جواك أهداف

← ربنا سبحانه وتعالى يرزقك جواك كده

← بيتعث جواك أهداف عليا في الحياة

← ومقاصد وحاجات أنت عايشة علشانها

← حاجات تخليك مجتهدة في تربية أولادك



- ← ومجتهدة في حسن التبعل لزوجك
- ← ومجتهدة في الدعوة ، ومجتهدة في طلب العلم
- ← ومجتهد في الأعمال الخيرية
- ← الباعث على قد ما يتجلي عليك بصفته
- ← الباعث سبحانه وتعالى على قد ما يبقى لك قيمة في الحياة
- ← وعندك قوة في الحياة ، وعندك رغبة في معرفة الله
- ← ده بقى بواعث جواك
- ← يخليك نفسك تعرف ربنا
- ← نفسي أصلح قلبي ، نفسي ابقى إنسان ناجح في الدين والدنيا
- ← نفسي ابقى داعي إلى الله ، نفسي الناس دي كلها تلتزم
- ← نفسي الأمة تنتصر ، نفسي فلسطين تتحرر
- ← نفسي الفقراء ياكلوا والمساكين
- ← نفسي كل الناس اللي متخاصمة مع بعض تتصالح
- ← نفسي يبقى الأسر سعيدة المسلمة
- ← هو كل دي اسمها إيه؟
- ← بواعث



- ← على قد ما ربنا بيديك بواعث
- ← على قد ما بتبقى قوي في الحياة وبتبقى عظيم في الحياة
- ← وتبقى حياتك مثمرة ومنتجة
- ← على قد ما ربنا بيبعث جواك بواعث
- ← بتخليك مبعوث من الله سبحانه وتعالى
- ← ابتعثنا الله بعثنا موسى
- ← بتبقى بعث في حياة الناس اللي حواليك
- ← بتحيا بكلماتك القلوب
- ← بتحيا بمواقفك وكلمات الحق منك وجُهدك
- ← وأدائك لنصرة الدين
- ← بتحيا قلوب ويبقى الواقع حي طول ما فيه الناس
- ← اللي ربنا تجلى عليها بصفته الباعث سبحانه وتعالى
- ← غير إن الباعث ممكن يبعث في قلوب من حولك حنان عليك
- ← يحط دوافع في قلوب
- ← اللي حواليك إن هم يسندوك ويدعموك ويحبوك



- ← الباعث يا إخواننا
- ← ده صفة الله الباعث دي صفة عظيمة
- ← مش بس وإن كان المعنى جبار إن بعد ما هنموت
- ← والناس تبقى تراب

- نسأل الله الشهادة في سبيله مُقبلين غير مدبرين

- ﴿وبعد ما تموت وتبقى تراب إنك ترجع تاني وتحيا تاني﴾
- ← ده معنى عظيم ومذهل
- ← على اسم مرحلة البعث يوم القيامة
- ← ولكن احنا في الدنيا دلوقت محتاجين الأمة دي
- ← تُبعث من جديد
- ← بعد بواعث طلب العلم في الأمة ماتت
- ← بعد ما بواعث النهضة والتنمية ماتت



- ← بعد ما بواعث الريادة على العالم ماتت
- ← بعد ما كان أمة محمد كل قضيتها ناكل ونشرب
- ← واربي العيلين واجوز البت
- ← لأ ترجع أمة تانية مبتعثة ترجع أمة تانية شايفة رسالتها
- ← عندها دوافع إنها تنشر الإسلام في الأرض
- ← عندها دوافع إنها تقود البشرية
- ← عندها دوافع إن يبقى فيه حضارة إسلامية
- ← عندها دوافع إن القرآن ينتشر في العالم كله
- ← كنا أمة مُتجلي الله عليها بصفته الباعث
- ← دلوقت الموات الروحي والخمود النفسي وموت الآمال
- ← وموت الطموحات من أجل الإسلام
- ← وموت هم الدين جوة صدور الناس للأسف الشديد

هو ده إيه؟

- ← هو ده هو الوهن اللي النبي عليه الصلاة والسلام قال عليه
- ← صفة الله الباعث صفة عظيمة





- ← النهاردة الجمعة يا جماعة إن شاء الله بإذن الله
- ← خلاص حاجة بسيطة الساعة ٣ إلا عشرة
- ← يعني إن شاء الله بإذن الله الساعة اللي قبل المغرب
- ← ما بين العصر والمغرب
- ← الوقت ده يوم الجمعة فيه ناس عُمي فتحت فيه
- ← فيه ناس مرضى ، فيه ناس مشلولة ، فيه ناس تايهة رشدت فيه
- ← فيه ناس ضالة هُديت فيه ، فيه ناس فقيرة غنيت فيه
- ← فيه ناس عاجزة قدرت وقويت فيه ، فيه ناس مديونة سد دينها فيه
- ← ما تضيعوش الوقت ده
- ← ما تضيعوش ساعة الإجابة يوم الجمعة
- ← ما تضيعوش من العصر المغرب
- ← بالذات واحنا صايمين بقى
- ← ودعاء الصائم لا يرد عند الله سبحانه وتعالى
- ← عند الفطر دعوة لا ترد
- ← ويوم الجمعة بقينا صايمين
- ← وكمان في يوم جمعة
- ← وكمان ساعة إجابة



- ← ما ينفعش إن احنا نضيع الفرصة دي
- ← اجتهدوا في الدعاء النهاردة يا جماعة
- ← غيروا حياتكم بالدعاء
- ← غيروا حياتكم بالتوجه لله الباعث
- ← غيروا قلوبكم بالتوجه للباعث
- ← غيروا نفسيتاكم الخملة اللي بتحب الدنيا بالتوجه لله الباعث
- ← غيروا إحباطكم وحولوه لعزيمة وهمة بالتوجه لله الباعث
- ← غيروا الواقع الميت والأمة اللي بتموت بالتوجه لله الباعث
- ← غير دورك في الحياة وقيمتك في الحياة بالتوجه لله الباعث
- ← غيروا كل حاجة وخلوا أهل الحق أقوى من أهل الباطل
- ← في الباطل بتاعهم بالتوجه لله الباعث

- اللهم يا باعث ، اللهم يا باعث أحي موات قلوبنا
- اللهم أحي موات قلوبنا
- اللهم اشرح لنا صدورنا ويسر لنا أمورنا ، اللهم زكي لنا نفوسنا
- اللهم طهر قلوبنا ، اللهم أنر قلوبنا ، اللهم أضئ قلوبنا



- اللهم قوي في رضاك عزمنا ، اللهم يا باعث
- اللهم يا باعث ، اللهم قوي في رضاك عزمنا
- اللهم استخرج منا برفقك ولطفك ورأفتك ما يرضيك عنا
- اللهم يا باعث ، اللهم أيدنا بروح منك
- اللهم أيدنا بروح منك ، اللهم أيدنا بروح منك يا ودود
- اللهم أيدنا بروح منك
- اللهم افتح لنا من أبواب الدعوة إليك ما ترضى به عنا
- اللهم افتح لنا من أبواب طاعتك ما ترضى به عنا
- اللهم مصرف القلوب صرف قلوبنا على طاعتك
- اللهم إنا نسألك الثبات في الأمر والعزيمة على الرشد
- اللهم ربنا آتنا في الدنيا حسنة وفي الآخرة حسنة وقنا عذاب النار
- اللهم إنا نسألك علماً نافعا ورزقاً طيباً وعملاً متقبلاً
- اللهم انا نسألك العفو والعافية
- اللهم إنا نسألك اليقين والعافية
- اللهم إنا نسألك اليقين والعافية
- اللهم إنا نسألك الفردوس الأعلى ونستجير بك من النار
- اللهم ارزقنا الفردوس الأعلى بغير حساب ولا سابقة عذاب



- اللهم قو في رضاك عزمنا اللهم زدنا ولا تنقصنا وأكرمنا
- ولا تهنا وأعطنا ولا تحرمنا وآثرنا ولا تؤثر علينا
- وارضنا وارضى عنا يا باعث يا الله
- يا باعث يا الله أحي موات قلوبنا
- يا باعث يا الله قوي في رضاك عزمنا
- يا باعث يا الله صرف على طاعتك قلوبنا
- يا باعث يا الله أيدنا بروح منك
- يا باعث يا الله استعملنا ولا تستبدل بنا
- اللهم استعملنا ولا تستبدل بنا
- اللهم وفقنا وارشدنا واهدنا وسددنا
- اللهم أمدنا بمددك العظيم يا رب العرش العظيم
- حسبنا الله ونعم الوكيل ونعم المولى ونعم النصير
- اللهم لا تجعلنا ضالين مضلين
- اللهم اهدنا واهد بنا واجعلنا سببا لمن اهتدى
- اللهم إنا نعوذ بك أن نضل أو نُضل أو نضل أو نُضل أو نضل أو نُضل
- أو نضل أو نُضل أو نضل أو نُضل أو نضل أو نُضل
- اللهم آمين



- شدوا حيلكم ساعة الإجابة
- ساعة الإجابة يوم جمعة رمضان صائمين
- ساعة الإجابة من العصر المغرب
- اوعوا تضيعوا هذا الوقت الله يبارك لنا جميعًا في هذا الوقت
- الله يبارك لنا جميعًا في دعائنا
- الله يبارك لنا جميعًا في إيماننا وبقيننا
- جزاكم الله خيرًا